

اداره خانه

باب عالی جاده سنده دائره مخصوصه

آبونه شرائطی

ممالک عثمانیه ده سنه لکی (۶۵)، التي
آیلغی (۴۵) غروشدر، ممالک اجنبیه ده
سنه لکی (۱۷)، التي آیلغی (۹) فرانقدر،
[ایضاحات: نسخہ سی الی پاره، التي
آیلغی بر جلد، هر جلد ۲۶ نسخہ در.]

افطارات

§ آبونه بدلی پشیندر،
§ آدرس تبدیلنده قرق پاره لک
پول کوندر لیلی در.

§ مسلکه موافق آثار مع المصنویه
قبول اولنور. درج ایدیلجه یازیلر
اعاده اولونماز.

کتابخانه

سرسره (۱) ۱۳۳۰

افطارات

رساله مزدن آلدیغی کوسترملک شرطیله
بتون یازیلر هر هانکی بر غزته طرفندن
اقتباس اولونه بیلیر.

§

مکتوبلرک، امضالرک واضح و اوقوناقلی
اولسی و آبونه صره نوسروسی محتوی
بولونسی؛

§

ممالک اجنبیه ایچون آبونه اولانلرک
آدرس لری نیک فرانسزجه سی ده یازاسی؛

§

پاره کوندر لیدیکی زمان نه یه دائر اولدیغینک
واضحاً بیلدرلسی رجا اولنور.

مدافعات دینیه

خطبه: ه

[۱]

نوح عظیم دائر خطبه

« بمقصد عالی سهارادن دها اعلا در . بو اویله بر مقصد در که آکا ملائکه دوشوب سجده ایدرلر و انبیا و مرسلین آنی فرح و سرور ایله نشر و اعلان ایدرلر . فی الحقیقه بیکرجه ذبیحه و محرقرال انجق . مسیحک ذبیحه سنه یعنی عالمک خطا و کناهلری ایچون کفارت اولاق اوزره آنک خاچ اوزرنده کی موثنه اشارتدر . »

بز سزندن قصه ابراهیمک مسیحه رمز اولدینغی حقیقده کی دعوا کزه دلیل ایرادی انتظارنده بولنیور ایدک . سز دلیل مقامنده دعوا کزی تعمیمدن بشقه برشی یا میورسکزر . کندیکزی بر کره اسرائیلیات زماننده تصور ایدیکز ، یهو ابولوطلره قدر اینمش ، بنی اسرائیله خطاب ایدرلر . « ای سو کیلی قوم ! قربان کسیکزر . زیرا بن قربانلرک قوقوسندن خوشلانورم » دیه ندا ایدیور . بونی ایشیدن بی چاره بر یهودی بی کوزیکزک اوکنه کتوریکز . بوندن یهوانک مقصدی « الله بر زمان یر یوزینه اینه جک ، عیسا شکلنده تجسد ایده جک ، صکره سزک کناهلر یکز ایچون کندینغی فدا ایدوب چلیا اوزرنده قانی دوکه جک ؛ ایشته اوکا ایمان ایدیکز » دیمک اولدینغی نصل اکلایه حق ! عالمی بو قدر مشکلاته صوقه جفته بونی آچیقندن سویلسه اولمازمیدی ؟

« عبرانیلر رساله سنک اوننجی بابنی اوقوییکز . »

کراراً اوقومش اولدینغمز باب مذ کوری امریکزه امتثالاً بر دها اعتنا ایله کوزدن کچوردک . هر اوقویبشمزده نظر دقتیزی جلب ایدن « لکن اوذات کناهلر ایچون بر ذبیحه تقدیم ایتمش اولوب الی الابد اللهم صاغنده اوتورمشدر » جمله سی ینه جلب دقتدن خالی قالماشدر . بو کی شیلره اعتقاد ایدنلر ینه کندیلرینی موحد عد ایدیورلر . بزده نه یا پالم اقرارلرینه بناء آنلره موحد نظریله باقیورزه فقط سوزلرینه شرک ترتب ایتدیکنی سویلکندن ده واز کچه مه زه . شیمدی بویله بر رساله دن کتوریلن دلیل بزه قارشو نصل حجت اولور ؟

« و بورادن کورورزه کناهلرینک غفرانته نائل اولمش اولان آدمه و هابله ونوجه و ابراهیمه و اسحاقه و یعقوبه و اسباط و انبیا و مرسلینه یکانه قریان یالکزر و آنجق حضرت عیسا در و ذبائح حیوانیه لری بو حقیقت سامیه بی آنلرک بشری عقلمرینه تقریب ایچون صورت تمثیلیه دن بشقه برشی دکلدر و آنلر بو امید ایله وفات ایتشلردر . »

بو افاده لر کزده دعوا کزی تکرار دن عبارتدر ، یا دلیل ؟

« ننه کیم بز بونک بویله اولدینغی اشعیا پیغمبرک سوزلرندن یلبرز . نبی مشارالیه بومناده اوله رق شویله بیورمشدر : او عصیانلرمن ایچون یاره لندی . کناهلریمز ایچون ضرب اولندی . سلامتمن ایچون او تأدیب اولندی و آنک

[۱] باشی ۲۵۳ نجی نسخه ده .

بره لر ایله بز شفا بولوق . جمله من قویونلر کی بولی شاشرمش ایدک ، هر بر من کندی یولنه دوغوش ایدک و رب جمله منک کناهنی آکا بوکندی (اشعیا باب ۳ و آیات ۶۵) . »

اشعیا پیغمبرک عیسا دن مقدم اولدینغی و بو آیاتده ماضی صیغه سی استعمال ایدیلهرک کچمش برشیدن بحث ایتدیکنی کورمدیکز می که دعوا کزه دلیل اوله رق کتور یورسکزر . دقت ایتسه کز پک اعلا اکلا رسکزر که اللی اوچنجی بابده مندرجاتی اللی ایکنجی بابک ۱۳ ، ۱۴ ، ۱۵ نجی ایتلرنده بیان اولنان اللهمک عابد قولنک احوالنه دائر در . بو ایتلرده آنک دوچار اولدینغی آلام و مصائب سببیه سیاسی بیه تبدل ایتدیکندن و بو کیفیت هر کسک نظر حیرتی جلب ایتدیکندن بحث اولنیور ، اللی اوچنجی باب ایسه اکا دائر تفصیلاتی اعطا ایلور . ذاتاً بر کتابدن ایشکزه کلن یری آلوب ماعداسنی ترک ایتک سزک عادت کزدر ، قرآنده قوللان دینغکزر بو اصولی بوراده ده تطبیق ایدیورسکزر . بیلمه کز لازم کلور که جناب حق دنیا ده اک سودیکی قوللرینی اشد بلایه دوچار ایدرک حقیقده تجربه معامله سنی اجرا ایلر و آنلرک درجاتی بو مصائبه تحمللری مرتبه سنده تزیاید ایلر . بوراده دخی اویله صالح قوللرک احوالی ارا نه اولنیور . سز بونده مسیحک احوالنه بر آرز مشابعت کورر کورمر همان مال بولمش مغربی کی آندن استفاده یه قیام ایدیورسکزر . مادام سوز اشعیا پیغمبرک کتابی اوزرینه دوران ایدیور ، اللی ایکنجی بابک برنجی آیتی حقیقده کی فکر یکزی اکلامق ایستردک . اوراده « اویان ای صهیون اویان قوتکی کین ای مقدس شهر اورشلیم زینتلو البسه کی کی زیرا بر دها سنک ایچکه ختانسز و ناپاک کیمسه کیر میه جکدر » دینیلور . اگر بو کتابی قبول ایتیورسه کز نیچون آندن دلیل تحریرینه قالدیشیور . سکز . قبول ایدیورسه کز ختانی ده قبول ایتمه لیسکزر . بهوده یره ختاتک ماء تممیده تحویل اولندینغی بیان ایله استدلاله قالدیشمایکزر . چونکه بوراده « بر دها سنک ایچنه ختانسز کیمسه کیر میه جکدر » دیه تأیید افاده ایدن لفظ استعمال ایدلمشدر . « سز کتابک بعضیسنه اینانیورده بعضیسنه اینانیور میسکزر ؟ » .

« بنی اسرائیلک انبیا نندن اک بیوکی اولان حضرت موسی حقیقده . مسیحک خاچنه ایمان ایتدی و قدیم نفس ایچون اکا اعتماد ایتدی و کندیسنک بنی اسرائیله وضع و رسم ایتدیکی ذبیحه لری انجق اکا بر رمز و اشارت اولدقارینی بیلیر ایدی دینلمشدر . »

دو ستم سن اویله هر ایشته بیکک شیئه اینامه . البته الکزده کی توراته اینانیورسکزر اونده اللهمک « موسایه بن واجب الوجود ایم » دیدیکنی بیلورسکزر . (خروج ۳ باب ۱۴ آیت) .

محمد اسمعد

دوام ایده جک